

SINDIKAT BHRT**n/p gdja. Merima Kurtović Pašalić, predsjednica**

Sarajevo, 24. novembar 2025.

BROJ: 103/25

PREDMET: Podrška u borbi za radnička prava i status BHRT

Draga kolegice,

S velikom pozornošću ali i zabrinutošću pratim dešavanja oko Javnog servisa BHRT koja traju već mjesecima kao i borbu za očuvanje kako samog Servisa isto tako i položaja i statusa njegovih radnica i radnika.

Javni servis je interes svih građana i građanki Bosne i Hercegovine a njegov značaj za sindikalni pokret u BiH je jednako bitan. Mi u STBIH smo prethodnu godinu dana vrlo jasno vidjeli važnost neovisnog funkcionalnog javnog servisa. Naime, u cijeloj našoj borbi za neradnu nedjelju ali i druga radnička prava na površinu su vrlo jasno isplivale sve „zavisnosti“ mnogih naizgled neovisnih medija pri čemu smo vidjeli kako upravo ovisnost o politikama, kapitalu ali i drugim interesima može profilisati javno mišljenje i stavove. Iz tog razloga, više nego ikad Bosni i Hercegovini, njenim građanima ali svakako i njenim radnicima treba Javni servis koji će objektivno, permanentno i pouzdano prenositi i obrađivati sve za radnike i građane bitne teme.

Iz tog razloga, vaša borba je i naša. U tom cilju, u ime skoro 15 hiljada radnika i radnica u trgovini u cijeloj BiH, u ime UO STBIH te u moje lično ime želim vam snagu i istrajnost u borbi. Duboko svjesni da je borba sa politikom jako teška i iscrpljujuća, svi zajedno u njoj moramo istrajati jer jedino radnici i sindikat imaju legitimno pravo ali i obavezu suprotstaviti se politikama koje rade protiv njihovih interesa, protiv njihove egzistencije i prava.

Uz moje solidarne pozdrave i iskrenu podršku,

Želim vam svu sreću i uspjeh!

S poštovanjem,

Mersiha Beširović

STBIH

